

二經同卷

肥九

佛說淨意優婆塞所問經

大乘破有論

佛說淨意優婆塞所問經

西天譯經藏朝奉奏試光祿卿傳法師賜紫金闕譯奉詔譯

如是我聞一時佛在舍衛國祇樹給孤獨園

與大眾俱是時城中有一族姓兜泥耶子名

曰淨意來詣佛所到佛所已見佛相好心生

歡喜種種稱讚合掌恭敬禮佛足已退住一  
面時淨意兜泥耶子前白佛言世尊我有少

法欲伸請問願佛世尊聽許我說

佛言淨意隨有所疑今恣汝問佛當一一爲

汝開示

余時淨意兜泥耶子白佛言世尊我見世間

地獄報盡縱得爲人在在所生壽命短促淨  
意當知由殺命因獲短壽果

一切人衆種種行相而各差別或見有人得  
長壽者有短壽者有多病者有少病者有端  
正者有醜陋者有如意者有不如意者有生  
下族者有生上族者有富貴者有貧窮者有

愚癡者有智慧者如是等類種種差別以何  
因緣報應如是願佛世尊為我宣說

佛言淨意汝今當知世間衆生所作因行有  
差別故其所得果而各有異時淨意兜泥耶  
子復白佛言世尊如佛所言因果差別願佛  
世尊略為開示若廣說者我於是義不能解了

佛言淨意汝當聽如善作意今爲汝說是

時淨意兜泥耶子受教而聽

佛言淨意汝今當知世間一類男子女人心  
懷惡毒或時持刀或時執杖伺求方便殺害  
生命無悲愍心不生慚愧或自手殺或教他  
殺由此因緣身壞命終墮在惡趣受地獄苦

復次淨意世間一類男子女人心無惡毒不  
持刀杖不殺生命具悲愍心有大慚愧由此  
因緣身壞命終得生善趣受天人身天中報  
盡來生人間在在所生壽命長遠淨意當知

由不殺因感長壽果

復次淨意世間一類男子女人或時執持杖木瓦石打擲有情或復自手觸惱於人由此因緣身壞命終墮在惡趣受地獄苦地獄報盡縱得爲人在在所生多諸疾病淨意當知由惱害因感多病果

肥九

復次淨意世間一類男子女人不持杖木瓦

石打擲有情不以自手觸惱於人由此因緣身壞命終得生善趣受天人身天中報盡來生人間在在所生少諸疾病淨意當知由不惱害因感少病果

復次淨意世間一類男子女人常起忿恨瞋

恚之心生諸過失由此因緣身壞命終墮在

惡趣受地獄苦地獄報盡縱得爲人在在所生相貌醜陋淨意當知由忿恚因感醜陋果復次淨意世間一類男子女人不起忿恨瞋恚之心不生過失由此因緣身壞命終得生善趣受天人身天中報盡來生人間在在所

生相貌端正淨意當知由不忍恚因感端正果

復次淨意世間一類男子女人若見他人所有利養乃至名聞諸可意事即以方便而爲障礙不令他得由此因緣身壞命終墮在惡趣受地獄苦地獄報盡縱得爲人在在所生凡所施作皆不如意淨意當知由障可意事

因感不如意果

復次淨意世間一類男子女人若見他人所有利養乃至名聞諸可意事不以方便而爲障礙欲令他得由此因緣身壞命終得生善趣受天人身天中報盡來生人間在在所生凡所施作悉得如意淨意當知由不障他可

肥九

意事因感如意果

復次淨意世間一類男子女人於他人所應尊重者而不尊重所應恭敬而不恭敬所應供養而不供養常起我慢自高其心由此因緣身壞命終墮在惡趣受地獄苦地獄報盡縱得爲人在在所生常生下族淨意當知由

起我慢自高爲因感下族果

復次淨意世間一類男子女人於他人所應尊重者即起尊重所應恭敬即起恭敬所應供養即當供養不起我慢自高之心由此因緣身壞命終得生善趣受天人身天中報盡來生人間在在所生常生上族淨意當知由

不起我慢自高爲因感上族果

復次淨意世間一類男子女人其心慳惥不以飲食衣服卧具醫藥住舍牀座乃至不以塗香末香施諸沙門婆羅門等由此因緣身壞命終墮在惡趣受地獄苦地獄報盡縱得爲人在在所生貧窮闕乏淨意當知由慳惥

因感貧窮果

復次淨意世間一類男子女人心不憚惱常以飲食衣服卧具醫藥住舍牀座乃至塗香末香施諸沙門婆羅門等由此因緣身壞命終得生善趣受天人身天中報盡來生人間在在所生富貴自在淨意當知由不憚惱因

感富貴果

復次淨意世間一類男子女人心不愛樂正法經典又復不於沙門婆羅門所請問諸義何者是善何者不善何者應發起何者不應發起何者應行何者不應行不能如是請問開波由此因緣身壞命終墮在惡趣受地獄苦地獄報盡縱得爲人在在所生愚癡無智淨意當知由不樂法不問法因感愚癡果

復次淨意世間一類男子女人心常愛樂正法經典又復能於沙門婆羅門所請問諸義何者是善何者不善何者應發起何者不應發起何者應行何者不應行而能如是請問

肥九

四

開波由此因緣身壞命終得生善趣受天人身天中報盡來生人間在在所生具大智慧淨意當知由愛樂法請問法因感智慧果復次淨意如我上說如是因果種種差別是故當知短壽因得短壽果長壽因得長壽果多病因得多病果少病因得少病果醜陋因

得醜陋果端正因得端正果不如意因得不如意果如意因得如意因得如意果下族因得下族果上族因得上族果貧窮因得貧窮果富貴因得富貴果愚癡因得愚癡果智慧因得智慧果淨意是故汝今如實了知短壽因果是佛所說長壽因果是佛所說多病因果是佛所

說少病因果是佛所說醜陋因果是佛所說端正因果是佛所說不如意因果是佛所說如意因果是佛所說下族因果是佛所說上族因果是佛所說貧窮因果是佛所說富貴因果是佛所說愚癡因果是佛所說智慧因果是佛所說是故智者如說而行淨意當知

佛說長壽爲勝善報少病爲勝善報端正爲勝善報如意爲勝善報上族爲勝善報富貴爲勝善報智慧爲勝善報淨意如是等法是佛所說汝當修學

尔時淨意兜泥耶子聞是法已心生歡喜白佛言世尊譬如今間諸黑闇處不能通達所

肥九

五

行之道雖有眼目不能觀照若有智者持以燈炬彼所行道悉能通達汝亦復如是善說正法破諸無智而能一一分別諸法是善是不善是應發起是不應發起是所應行是不應行如是等法唯佛如來應供正等正覺出現世間能善宣說我於今日快得善利我今歸佛歸法歸苾芻僧持不殺等戒爲優婆塞願佛世尊攝受於我佛言善哉今攝受汝時淨意優婆塞即白佛言世尊今此舍衛城中諸族姓子若聞是事咸應念言兜泥耶子於長夜中善爲衆生利益開導爾時淨意優婆塞作是語已禮佛而退

佛說淨意優婆塞所問經  
大乘破有論

龍樹菩薩造

西漢藏經卷之三  
歸命一切佛諸有智者應當如實了知諸法

釋名